

<County: Yorkshire West Riding>

<Code: L0133>

<MS reference: London, BL Harley Charter 112. F. 1>

<Text: Will>

Be it knawen vn-tyll all men y^t thys is the wyll off Adam of the Wode and Margeret hys wyfe y^t thayre feffes y^t ar~ infeffed in all the Burgages & landys & yenges w^t the appurtenance y^t thay hade w^t-in the towne & ye meres of Harrewode y^t thay enfeffe Agayne thys forsayde Adam & Margeret hys wyfe for the terme of thayr~ lyfe And the reuersyonn after thayr~ decesse remandyr~ to *sir* Richard Redman & tyll hys Ayres & hys assygnes . On condicyonn y^t the forsayde *sir* Richard or hys ayres or hys assygnes mary Jonet the doghter of ye forsayde Adam & Margeret w^t-in xvj iere or xvij at the ferryst tyll a+man of xx markes worthe of lande by iere . And þ^t thay see & ordayne y^t thys forsayde doghter be enfeffed at ye begynnyng to hyr & to ye Ayres of hyr And hyr husbande in Als mekyll valu of hys lande y^t sall be hyr husband as thys forsayde Adam & Margeret hade in Harrewode in dower~ or in feffement . And yf it so be y^t thys doghter Jonet dee noght maryede then it is the wyll of Adam & Margaret y^t the forsayde *sir* Richard hys ayres or hys assygnes sall gyfe to ye forsayde Adam & hys wyfe Margeret x . li in hande and other x li efter the decesse of Adam & Margeret sall be done tyll a-n+onest prest to synge for thayr~ sawles & for thayre Auncesters . And ouer y^t it is the wyll of Adam & Margeret y^t dame Elizabeth Redman hafe yis doghter forsayde in hyr kepyng & gouernyng tyll scho be maryede . And in testmonde of ~~ye~~^[thys] wyll endentyd we hafe set howr~ selys wretyn At harrewode in the fest of saynt Edmunde the holy kyng The iere of kynge Henry the fawrte after the conquest xiiij.